

謝
詩



此先君在京收得宋刻謝宣城詩集殘本每頁二十行
行六字原五卷今存二卷目錄九頁缺第二頁可據存卷
鈔補卷端有陳彥良印不知誰何前後因藏任紙裝前
已失有墨景微可識別紙一紙存其上幸意尚是元以人裝
觀今亦重裝仍存其舊此書 四庫總目入別集所據為

內府藏本前有樓始序位興二十八年所刻稱為
南宋佳本此書構馭皆缺筆似刻稍後而為宋刻則毫無
疑義況其為元明裝宜耶 子孫其世寶之 劉啓瑞
本朝吳氏有仿宋板猶可免得影鈔配全



詩集目錄

齊尚書吏部郎陳郡謝

眺元暉

卷第一

賦九首

酬德賦

并序

思歸賦

并序

七夕賦

高松賦

杜若賦

野鷺賦

并序



遊後園賦

臨楚江賦

擬宋玉風賦

雲祭歌八首

迎神歌三言

世祖武皇帝歌四言三章

青帝歌三言三章

赤帝歌七言三章

黃帝歌五言三章

白帝歌九言三章

黑帝歌六言三章

送神歌三言五章

四言詩三首

侍宴華光殿曲水奉敕為皇太子作九章

三日侍宴華光殿曲水宴代人應詔十章

三日侍宴曲水代人應詔九章

卷第二

樂府四十三首

元會曲

郊祀曲

鈞天曲

入朝曲

出藩曲

校獵曲

從戎曲

送遠曲

登山曲

泛水曲

同賦鼓吹曲名以先成爲次五首
同前再賦六首

同賦雜曲名五首

永明樂十首

玉階怨一首

金谷聚一首

王孫遊一首

銅爵悲一首

江上曲一首

曲池之水一首

同謝諮議詠銅爵臺一首

詩四十三首

將發石頭上烽火樓一首

荅王世子一首

荅張齊興一首

酬王晉安一首

暫使下都夜發新林至京邑贈西府同

僚一首

始出尚書省

直中書省

觀朝雨一首

新亭渚別范零陵雲一首

之宣城郡出新林浦向版橋一首

始之宣城郡一首

宣城郡內登望一首

冬日晚郡事隙一首

後齋迺望一首

落日憫穽一首

望三湖一首

遊山一首

賽敬亭山廟喜雨一首

祀敬亭山一首

遊敬亭山一首

賦貧民田一首

與江水曹至濱干戲一首

送江水曹還遠館一首

送江兵曹檀主簿朱孝廉還上國

臨溪送別一首

將遊湘水尋句溪一首

天役湘州與宣城吏民別一首

休沐重還丹陽道中一首

移疾還園示親屬一首

出下館一首

遊東田一首

秋夜解講一首

秋夜一首

春思一首

治宅一首

冬緒羈懷示蕭諮議虞田曹劉江二常

侍一首

懷故人一首

夜聽妓二首

京路夜發一首

晚登三山還望京邑一首

高齋視事一首

郡內高齋閑坐答呂法曹一首

卷第四

詩四十六首

直石頭一首 梁武帝附

和蕭中庶直石頭一首

經劉瓛墓下 隨郡王蕭子隆附

登山望雷居士精廬同沈左衛遇劉

生墓下作并序 竟陵王蕭子良附

奉和 虞炎

奉和 柳惔

奉和 沈約

奉和 眺

離夜一首

同前 江丞附

同前 王常侍附

餞謝文學一首 沈約附

同前 虞炎附

同前 范雲附

同前 王融附

同前 蕭琛附

同前 劉繪附

和別沈右率諸君一首

卧疾叙意 王秀之附

和王長史卧病一首

行園 沈約附

和沈祭酒行園一首

北成琅邪城 江丞附

和江丞北成一首

味且出新亭渚 徐勉附

和徐都曹出新亭渚

入琵琶峽望積布磯 劉繪附

和劉繪入琵琶峽望積布磯一首

在郡卧病呈沈尚書一首

荅謝宣城一首 沈約附

和何儀曹郊遊二首

和劉西曹望海臺一首

和中丞聞琴一首

和伏武昌登孫權故城一首

夏始和劉孱陵一首

和宋記室省中一首

和王著作八公山一首

和王主簿季哲怨情一首

贈王主簿二首

同王主簿有所思一首

落日同儀曹賦一首

和紀叅軍服散得益一首

新治北憲和何從事一首

同羈夜集一首

卷第五

詩四十首

和隨王雜詩一十六首

詠春風一首

詠竹一首

詠薔薇一首

詠蒲一首

詠兔絲一首

詠落梅一首

詠東堂桐一首

詠梔子一首

同詠樂器三首

同詠坐上器玩二首

同詠所見一物十一首

聯句七首

阻雪一首

還途臨渚一首

紀功曹中園一首

閑坐一首

侍筵西堂落日望鄉一首

祀敬亭山春雨一首

往敬亭路中一首

謝宣城詩集目錄終

謝宣城詩集卷第一

賦

酬德賦 并序



右衛沈侯以冠世偉才眷予以國士以建武二
年子將南牧見贈五言子時病旣以不堪泚職
又不獲復詩四年子忝役朱方又致一首迫東
偏寇亂良無暇日其夏還京師且事譏言未遑
篇章之思沈侯之麗藻天逸困難以報章且欲
申之賦頌得其盡醴物之旨詩不云乎無言不
酬無德不報言旣未敢爲酬然所報者寡於德

謝宣城詩集目錄終

謝宣城詩集卷第一

賦

酬德賦 并序



右衛沈侯以冠世偉才眷予以國士以建武二
年子將南牧見贈五言子時病旣以不堪泚職
又不獲復詩四年子忝役朱方又致一首迫東
偏寇亂良無暇日其夏還京師且事譏言未遑
篇章之思沈侯之麗藻天逸困難以報章且欲
申之賦頌得其盡醴物之旨詩不云乎無言不
酬無德不報言旣未敢爲酬然所報者寡於德

耳故稱之酬德賦其辭曰

悲夫四游之代序六龍驚而不息輕蓋靡於駿
奔玉衡勞於拊翼嗟歲晏之歎歡曾陰默以悽
側玄武伏於重介宛虹潛以自匿覽其物之用
捨相群方之動植吊悴軀於華省理衣簪而自
敕思披文而信道散奮蕙於曾臆嗟民生之知
用知莫深於知己彼知己之爲深信懷之其何
已牽弱葛之蔓延寄陵風於松杞指曲蓬之直
達固有憑於原臬彼排虛與蹠實又相鳴於林
泚興伐木於友生詠承筐於君子矧景行之在

斯方寄言於同耻求相仁於積習寓神心於老
理惟敦梓之旅歲實異齊之二六奉武運之方
昌觀休風之未淑龍樓儼而洞開梁邱煥其重
覆君奉筆於帝儒我曳裾於皇穆藉風雲之化
景申遊好於蘭菊結德音而爲佩帶芳猷而爲
服援雅範以自綏懿前修之所昔仲宣之發
穎實中郎之倒屣及士衡之籍甚託壯武之高
義有杞梓之貞心協丹采之輝被伊吾人之陋
薄雖黼藻之何寘惟風雅之未變知雲網之不
廓譬曾棟之將傾必華榱之先落翳明離以上

賓屬傳體於纖萼周二輝而分崩擠九鼎於重
壑雖魚鳥之欲安駭風川而迴薄微天道之布
新嗟負首其焉託余窘迹以多愧塊離尤而獨
處君紆組於名邦貽話言於川渚悵分手於東
津望徂舟而延佇慮古今之爲隔豈山川之云
阻賴先德之龍興奉英靈之電舉事紫泥之密
勿腰青緇而容與沾後惠以竭來竟卒獲其笑
語我艤舟以命徒將汨徂於南夏旣勗予以烟
戒又引之以風雅若笙簧之在聽雖舒憂而可
假昔疢病於漳濱思繼歌而莫寫恩靈降之未

已奉京粉而作傳臨邦塗之永陌懷余馬於驥
馬望平津而出宿登崇岡而興賦顧歸憶之南
迴引行鑣而東驅何瓌才之博侈申贈辭於萱
樹指代匠而切偲比治素而引喻方舍毫而報
章迫紛埃之東騫釋末位以言歸忽乘駟以南
赴連篇章之莫訓欲寄言於往句類鍛翮之難
矯似洞源之不注意搔搔以杼抽魂營營而馳
驚爾腰戟於戎禁我拂劍於郎闈願同車以日
夜城望昏而掩扉時遊盤以未極曠落景之徂
輝若清顏之倏忽吝權賞之多違排重關而休

告知南館之有依騫職門以右轉僕望路其如
歸忘清漏之不緩惜曉露之方晞聞夫君之東
守地隱蓄而懷仙登金華之問道得石室之名
篇悟寰中之迫脅欲輕舉而捨旃離寵辱於毀
譽去天伐於腥羶忽携手以上征躋中皇之脩
迥巾帝車之廣軾棹河舟之輕艇歷星街之熠
耀浮天潢之澗溟機九轉於玉漿練七明於神
鼎吹萬化而不喧度千春之可並齊天地於倏
忽安事人間之紆婁哉

思歸賦 并序

夫鑿之積也無厚而納窮神之照心之徑也有
域而懷重淵之深余少而薄遊身 防方思

俄然萬里晚自

省諒非一塗何則

此後闕

余菲薄以固陋受恩靈而不訾施鍾黃之沃若
剖金符之陸離舟未濟而河廣塗方遙而馬疲
忽中寢而念厲魂申旦而九移昔受教於君子
逢知己之隆眄被名立之羽儀沾宦成之藻綯
羞服義而不怠豈臨歧而喻變勢方迅於轉圓
理好旋於奔電援弱葛而能外踐重岡而不眩
信禔福之非己寧悔禍其如見大明廓以高臨

吹萬欣而同悅。跨神皋之沃衍。奉英藩之睿哲。承比屋之隆化。踵芳塵之餘烈。懷齷齪之福心。無夸毗之誕節。竟伊鬱而不怡。賴遐討於先哲。紛吾生之遊蕩。彌一紀而歷茲。自下車於江海。涉青春於是時。睠崇芒而引領。望大夏而長思。雖曲街之委陋。猶寤寐而見之。况神交而通夢。眇河漢於佳期。尔乃眷言薄暮。南眺悠然。將整歸轡。願受一塵。老華城之直陌。相洛浦之迴阡。連飛甍於故友。接閑館以懷仙。臨南場以藝藿。守北池而採蓮。睇微莖之霏霏。望水葉之田田。

乃翦山木。不日爲功。非輪非奩。去斲去礪。夜索綯而繞繞。旦乘屋而芘芘。竹櫺踦區。而經北繩。閉窈窕以臨東。布菌蕭於踈棹。織葑蘆於迴樞。於是籬插芳槿。門拂長楊。園桃春發。牕竹夏涼。晨露晞而草馥。微風起而樹香。無芥菲以襲予。空旖旎於都房。恒離居以歲月。庸銷落而徒傷。我聞時命有殖。無遷徵事。或在求理。未甄譬豐。草之區別。隨霜露而天延。背萱鮮於堂北。尚幽幽而未捐。苟外物以能惑。亦在應而無騫。况朝霞之彩。可嚙瓊扉之飾。方宣養以虛白之氣。悟

以無生之篇豈加璧之贈可動執珪之位能經
歸來薄暮聊以永年

七夕賦

奉勅
王命作

金祇司矩火曜方流素鍾登御夷律鳴秋朱光
既夕涼雲始浮盈多露之藹藹外明月之悠悠
步廣階而延膝屬天媛之淹留嗟斯靈之淑景
招好仇於服箱邁姮娥而擢質凌瑤華而擅芳
厭白玉以爲飾霏丹霞而爲裳迴龍駕之容裔
亂鳳管之凄鏘騰燭光於西極命二妃於瀟湘
武帝車而指玦凌天津而上翔悵漢渚之夕漲

欣河廣之既梁臨瑤席而宴語綿含睇而娥揚
嗟蘭夜之難永泣會促而怨長忌織阿之方駕
吝長庚之末光撫鳴琴而脩况浩安歌而自傷
歌曰

清絃愴兮桂觴酬雲幄靜兮香風浮龍鑣蹠兮
玉鸞整睽星河兮不可留分雙袂之一斷何四
氣之可周斯乃嚮像恍惚髮髻幽暖耳之無聞
目之無續故鍾鼓聞而延子隱白日沈而季后
對豈形器之所求亦理將其如昧君王壯思風
飛冲情雲上顧楚詩而縱轡瞻蘭書而競爽實

以無生之篇豈加璧之贈可動執珪之位能纏
歸來薄暮聊以永年

七夕賦

王命作

金祇司矩火曜方流素鍾登御夷律鳴秋朱光
既夕涼雲始浮盈多露之藹藹外明月之悠悠
步廣階而延膝屬天媛之淹留嗟斯靈之淑景
招好仇於服箱邁姮娥而擢質凌瑤華而擅芳
厭白玉以爲飾霏丹霞而爲裳迴龍駕之容裔
亂鳳管之淒鏘騰燭光於西極命二妃於瀟湘
武帝車而指玦凌天津而上翔悵漢渚之夕漲

狀河廣之既梁臨瑤席而宴語綿含睇而娥嫋
嗟蘭夜之難永泣會促而怨長忌織阿之方駕
杳長庚之末光撫鳴琴而脩况浩安歌而自傷

七月七日

七月七日
七月七日
七月七日

飛冲情雲上顧楚詩而縱轡瞻蘭書而競爽實
對豈形器之所求亦理將其如昧君王壯思風
目之無績故鍾鼓聞而延子隱白日沈而季后
彙之可居其乃獲信也

研精之多暇聊餘日之馳蕩賦幽靈以去惑排
視聽而玄往晒陽雲於荆夢賦洛篇於陳想乃
澄心而閑邪庶綱繆於茲賞

高松賦

蘇頌撰

閱品物於幽記訪叢育於秘經巡汜林之珍望
識斯松之最靈提於巖以群茂臨於水而宗生
豈榆柳之比性指冥椿而等齡若夫脩幹垂陰
喬柯飛穎望蘭蕭而旣閑即微微而方靜懷風
音而送聲當月露而留影旣芊眠於廣照亦
遊於孤嶺集九仙之羽儀棲五鳳之光景固必

木之爲選貫山川而自求尔乃青春受謝雲物
含明江皋綠草曖然已平紛弱葉而凝照競新
藻而抽英陵翠山而如剪施懸蘿而共輕至於
星回窮紀沙鴈相飛同雲映其無色陽光沉而
滅暉卷風颯之吸欬積霰雪之嚴霏豈凋貞於
歲暮不受令於霜威若乃體同器制質兼上才
夏書稱其岱畎周篇詠其徂徠乃屈已以弘用
精大壯於雲臺幸爲翫於君子留神心而顧懷
君王乃徙讌蘭室解佩明椒寒幽蘭於夕陰詠
聳幹於琴朝陵高丘以致思御風景而逍遙夷

蔽冕之隆貴懷汀洲之寂寥選道勝於千祀蘊
神理而自超夫江海之爲大實消滄之所歸瞻
衡恒之峻極不讓壤於塵微嗟孤陋之無取幸
聞道於清微理弱羽於九萬愧不能兮奮飛

杜若賦

奉隨王教作時年二十六於生賦

憑瑤圃而宣游臨水木而延佇柳含色於遠岸
泉鏡流於枉渚蔭綠竹以淹留藉幽蘭而容與
覽茲榮之悅茂紛爲芳於清籟觀夫結根擢色
發曜垂英緣春巒以織布蔭涼潭而影清景變
變以四照枝靡靡而葉傾冒霜蹊以霜霜當春

嶷而運平舉汀洲以企予懷石泉於幽情
巖巖之纖草厠金芝於芳叢夕舒榮於溥露旦發
於春風承羲陽之光景庶無悲於轉蓬

野鷺賦并序

有門人斃一野鷺因以爲獻余時命以登俎用
待賓客客有愛其羽毛請余爲賦其詞曰

夫何羅人之伎巧薦江海之逸禽落摩天之迅
羽絕歸飛之好音碎文錦之丹臆裂雕綺之翠
衿孤雛驚以靡翼羈雌叫而莫尋越滄流以遠
致乃交賀以兼金因閤寺以傳請排遠戶以重

深貴敦枉以取愛願登俎以甘心

遊後園賦

王

積芳兮選木幽蘭兮翠竹上蕪蕪以蔭景下田
田兮被谷左蕙畹兮彌望右芝原兮寫目山霞
起而削成水積明以經宿於是敞風閨之藹藹
聳雲館之茗茗周步欄以外降對玉堂之沈寥
追夏德之方暮望秋清之始颯藉宴私而遊衍
時晤語而逍遙尔乃日栖榆柳霞照夕陽孤蟬
以散去鳥成行惠氣湛兮惟殿肅清陰起兮池
館涼陳象設兮以玉瑱粉蘭藉兮咀桂漿仰徽
璣兮美無度秦英軌兮式如璋藉高文兮清談
預含毫兮握芳則觀海兮爲富乃游聖兮知方

臨楚江賦

爰自山南薄暮江潭滔滔積水裊裊霜嵐憂與
憂兮竟無際客之行兮歲已嚴尔乃雲沈四岫
風蕩中川馳波鬱素駭浪浮天明沙宿莽石路
相懸於是霧隱行鴈霜眇虛林迢迢落景萬里
生陰冽攢笳兮極浦弭蘭旌兮江潏奉玉罇之
未暮飡勝之芳音願采兮秋月庶永照於
遺簪

擬宋玉風賦

起日域而搖落集桂宮而送清開翠帳之影藹
響行珮之輕鳴揚淮南之妙舞發齊后之妍聲
下鴻池而蓮散上雀臺而雲生至於新虹明歲
高月照秋醉儀廼豫冲想雲浮鄒馬之賓咸至
申穆之醴已酬朝役登樓之詠夕引小山之謳
猷朱邱之沉遠思輕舉而遠游驪驪之馬魚躍
飄鑿車而水流此乃宋玉之盛風也夫子雲寂
寞叔夜高張煙霞潤色荃蕙結芳出澗幽而泉
列入山戶而松涼眇神王於丘壑獨超遠於孤
斯則幽人之風也

雩祭歌

建武二年
明堂辭

清明暢禮樂新儀龍景選貞辰
陽律亢陰晷伏耕下土荐種稷
宸儀警王度宣瞻雲漢望旻天
張盛樂奏雲儻集五精延帝祖
雩有調祭有秩秬鬯芬圭瓚必
靈之來帝閣開車煜燿吹徘徊
傳龍轅徧觀此凍雨飛祥雲靡
壇可臨奠可歆對甌社鑿皇心

右巡幸歌八章章四句句三言

濟哲維祖長發其武帝出自震重光御寓七德
攸宣九疇成叙靜難荆衡凝威蠹浦

昧旦丕承夕惕刑政化一車書德馨案盛昭星
夜景非雲曉慶衢室成陰璧水如鏡

禮充玉帛樂被匏絃於鑠在詠陟配于天自宮
徂先靡愛牲牲我將我享永祚豐年

右世祖武皇帝歌三章章八句句

四言

信翼日鳥殷宵凝冰泮玄蟄昭

景陽陽風習習女夷歌東皇集

奠春酒秉青珪命田祖渥群黎

右青帝歌三章章四句句三言

惟此夏德德恢台兩龍在御炎精來

火景方中南譌秩靡草去黃含桃實

族雲翳鬱温風煽興雨祁祁黍苗遍

右赤帝歌三章章二句句七言

稟火自高明毓金挺剛克涼燠資成化群方載

厚德

陽季勾萌達炎徂溽暑融商暮百工止歲極凌

陰沖

泉流疏已清原隰遠而一作平咸言祚惟億躬
民保高京

右黃帝歌三章章四句句五言

帝說于允執矩固司藏百川收潦精景應金方
嘉樹離披榆開命賓鳥夜月如霜金風方嫋嫋
高陰肅殺萬寶咸亦道勞哉望歲場功莫可收

右白帝歌三章章二句句九言

白日短玄夜深招搖轉移大陰霜鐘鳴冥陵起
星迴天月窮紀

聽嚴風來不息望玄雲黝無色曾冰冽積羽
飛雪至天山側

關梁閉方不巡合國吹饗蟄賓統微陽究終始
百禮洽萬祚臻

右黑帝歌三章章四句句六言

敬如在禮將周神之駕不少留

躍龍鑣轉金蓋紛上馳雲之外
警七曜詔八神排閭闔渡天津

有奔興膚寸積雨冥冥又終夕

俾栖糧惟萬箱皇情暢景命昌

右送神歌五章章四句何三言

四言詩

侍宴華光殿曲水奉敕爲皇太子作
旁求遂古逖聽鴻名大寶曰位得一爲貞朱綈
叶社綠字摘英并配同貫進讓殊聲

大橫將屬會昌已命國步中阻宸居膺慶璽劍
先傳龜玉增映宗堯有緒復禹無競

禮行郊社人神受職寶效山川鱗羽變色玄塞

北靡丹徼南極浮毳駕風飛一作泳登非一作陟

能官民秀利建天跼朽鶻列野營終分區論思

帝則獻納宸樞麟趾方一作定羈翼誰濡

西京藹藹東都濟濟秋被濯流春禊浮醴初吉

云獻上除方啓昔駕陽頻一作頰今帳雲陛

嘉樂舊矣芳宴在斯載留神矚有睟天儀龍精

已映威仰未移葉依黃鳥花落春池

高殿弘敞禁林稠密青嶝崛起丹樓間出翠葆

隨風金戈動日惆悵清管徘徊輕佾

灞澹入筵河淇流昨海若一作谷來往觴有泂泮

歡飫終日清光欲暮輕韶一作豹回道一作華組

徐步終日一作終

登賢博望獻

一作賦

清漳漢貳稱敏魏兩垂芳

監撫有則上宰無方瞻言守器求媿元良

三日侍華光殿曲水宴代人應詔

群分未辯類聚茲式天睠休明且求至德御繁
實簡制動惟默官府百王衣裳萬國

中葉遭閔副內多違悠悠靈既爰有適歸於昭
睿后撫運天飛疑居中縣神動外畿

縣象著明離光乃位我有儲德徽猷淵備長壽
察書龍樓迴轡重道上庠行遵儒肆

朝陽有幹布葉萋萋思皇威矣鷦羽高樓出馳

光輅入秉介珪瞻秦望并建魯分奎

求賢每勞得士方逸有覺斯順無文咸秩萬籍
惟重百錢載卹生草戒諛階其紀曰

文製已肅武節旣馳榮光可照合璧如規戟懷
姑射尚想瑤池濯龍乃飾天濤在斯

作樂順動寶符時義上春初吉亦留淵寄紅樹
巖舒青莎一作水被雕梁虹拖雲亮鳥跋

高縣甲帳周褰黼帷長筵列陛激水旋墀浮醪
聚蟻靈蒸呈姿河宗躡躅海介變蹤

弱腕纖腰遷延妙舞秦箏趙瑟殷勤促柱降席

連綏稱觴接武稽首萬年獻茲多祜

天地既成泉流既清薄暮沾幸屬奉文明將標
齊配刻掃秦京願馳龍漢飲馬縣旌

三日侍宴曲水代人應詔

神理內寂機象外融遺情汾水垂冕鴻宮樹以
司牧匪我求蒙徒勤日用誰器玄功

往晦必明來碩資寔於皇克聖時乘御辯寶曆
載暉瑤光重踐昭昭舊物熙熙遷善

當宁日昃求衣未明抵璧焚翠銷劍墮城九疇
式序三辟再清虞箴罔闕矇奏傳聲

麗景則春儀方在震重聖積厚金式瓊潤天爵
必諧王臣咸蓋譬諸華霍惟邦之鎮

正朔葱瀚冠冕邛越爭長明堂相趨魏闕龜象
南薦環裘西發巢閣易窺馴庭難掖

上巳惟昔于彼禊流袂穢河澣張樂春疇既停
龍駕亦汎鳧舟靈官備矣無待茲遊

初鷺命曉朝霞一作開夜飾陞導源迴伊流灑
極望天淵曲阻謬榭開館巖敞長廊水架

金觴搖蕩玉俎推移筵浮水豹席擾雲螭寒亮
琴瑟噉咷墳篋敷茲廣燕穆是天儀

周道如砥康衢載直徒媿玄黃負恩無力華轡
徒駕長纓未飾相彼失辰寧忘鼓翼

謝宣城詩集卷第一

謝宣城詩集卷第二

鼓吹曲

元會曲

二儀啓昌曆三陽應慶期珪瓊紛成序鯁譯得
來思分階絕組練充庭羅翠旗觴流白日下吹
溢景雲滋天儀穆藻殿萬宇壽皇基

郊祀曲

六宗禋配嶽五時奠甘泉整蹕游九闕清簫開
八埏鎗鎗玉鑿動溶溶金陣旋均宮光已屬注
升柴禮既虔福饗雲之集南嶽固斯年

周道如砥康衢載直徒媿玄黃負恩無力華轡
徒駕長纓未飾相彼失辰寧忘鼓翼

謝宣城詩集卷第一

謝宣城詩集卷第二

鼓吹曲

元會曲

二儀啓昌曆三陽應慶期珪瓊紛成序鯁譯得
來思分階絕組練充庭羅翠旗觴流白日下吹
溢景雲滋天儀穆藻殿萬宇壽皇基

郊祀曲

六宗禋配嶽五時奠甘泉整蹕游九闕清簫開
八埏鎗鎗玉鑿動溶溶金陣旋均宮光已屬注
升柴禮既虔福饗雲之集南嶽固斯年

鈞天曲

高宴顛天臺置酒迎風觀笙鏞禮百神鍾石動
雲漢瑤池寶瑟驚綺席舞衣散紫鳳來參差玄
鶴至凌亂已慶明庭樂誰想南風彈

右三曲頌帝功

入朝曲

江南佳麗地金陵帝王州逶迤帶淥水迢遞起
朱樓飛甍夾馳道垂楊蔭御溝凝笳翼高蓋疊
鼓送華輶獻納雲臺表功名良可收

出藩曲

雲枝紫微內分組承明阿飛艤邇極浦旌節去
關河眇眇蒼山色沉沉寒水波鏡音巴渝曲蕭
鼓盛唐歌夫君邁惟德江漢仰清和

校獵曲

凝霜冬十月殺盛涼飆開原澤曠千里騰騎紛
往來平且望煙合烈火從風迴殪獸華容浦張
樂荆山臺虞人昔有喻明哲時戒哉

右三曲頌藩德

從戎曲

選旅辭輟轅弭節趨河源日起霜戈照風迴連

旗翻紅塵朝夜合黃沙萬里昏
嘹唳清笳轉蕭條邊馬頰自勉
輟耕願征役去何言

送遠曲

北梁辭歡宴南浦送佳人
方衢控龍馬平路騁朱輪
瓊筵妙舞絕桂席羽觴陳
白雲丘陵遠山川時未因
一為清吹激潺湲傷別巾

登山曲

天明開秀峯瀾光媚碧堤
風盪翻鸞亂雲行芳樹低
暮春春服美游駕凌丹梯
外嶠旣小魯登山且悵齊
王孫尚逆行蕙草芳萋萋

泛水曲

玉露沾翠葉金風鳴素枝
罷遊平樂苑泛鷁昆明池
旌旗散容裔蕭鼓吹參差
日晚厭遵渚採菱贈清漪
百年如流水寸心寧共知

右四曲

闕三字

同沈右率諸公賦鼓吹曲名先成爲次

芳樹

沈右率約

發華九華嶺開跼露寒側
氛氲非一香參差多異色
宿昔寒飈舉摧殘不可識
霜雪交橫至對之長嘆息

當對酒

范通直雲

對酒心自足故人來共持方悅羅衿解誰念髮成絲徇往良爲達求名本自欺迨君當歌日及我傾罇時

臨高臺

眺時爲隨王文學

千里常思歸登臺瞻綺翼裁見孤鳥還未辨連山極四面動清風朝夜起寒色誰識一作倦遊者嗟此故鄉憶

巫山高

王尹丞勳

仿像巫山高薄暮陽臺曲煙華乍舒卷行芳時

斷續彼美如可期寤言紛在屬憮然坐相整秋風下庭綠

有所思

劉中書繪

別離安可再而我更重之佳人不相見明月空在帷共銜滿堂酌獨斂向隅眉中心亂如雲寧知有所思

同前再賦

芳樹

眺

早翫華池陰復鼓滄洲柂旖旎芳若斯歲蕤紛可繼霜下桂枝銷怨與飛蓬逝不厠玉盤滋誰

憐終萎細

同前

融

相望早春日煙花雜如霧復此佳麗人含姿結
芳樹綺羅已自情萱風多有趣去來徘徊者佳
人不可遇

臨高臺

約

高臺不可望遠望使人愁連山無斷絕河水復
悠悠所思暖何在洛陽南陌頭可望不可至何
用解人憂

有所思

融

如何有所思而無相見時宿昔夢顏色階庭尋
履綦高歌更何已引滿終自期一作欲知憂能
老爲視鏡中絲

巫山高

繪

高唐與巫山參差鬱相望灼爍在雲間氛氲出
霞上散雨收夕臺行雲卷晨帳出沒不易期嬋
娟似惆悵

同前

雲

巫山高不極白日隱光暉遙遙朝雲出冥冥暮
雨歸巖懸無獸跡林暗鳥疑飛枕席竟誰薦相

望空依依

同賦雜曲名

陽春曲

檀秀才

青雲獻初歲白日映雕梁
蘭萌猶自短菰菜未能長
已見花紅落復聞花藥香
樂此試遊行誰知心獨傷

淶水曲

江朝請

塘上蒲欲齊汀洲杜將歇
春心既易蕩春流豈難越
桂棹及春風菱影映初月
芳草若可贈爲君步羅襪

採菱曲

陶功曹

朝日映蘭澤乘風入桂嶼
棹歌已流倡輕舟復容與
勿遽佳期移方追明月侶
採採詎盈匊還望空延佇

秋竹曲

眺時爲宣城守

嫩娟綺窻北結根未參差
從風旣裊裊映日頗離離
欲求棗下吹別有江南枝
但能凌白雪貞心蔭曲池

白雪曲

朱孝廉

凝雲沒霄漢從風飛且散
連翩下幽谷徘徊依

井幹既興楚客謠亦動周王歎所恨輕寒質不
迨春歸日

永明樂

第一

帝國潤九有皇風浮四溟永明一為樂咸池無
復靈

第二

民和禮樂富世清歌頌徽鴻名軼卷領稱首邁
垂衣

第三

朱臺鬱相望青槐紛駟道秋雲湛甘露春風散
芝草

第四

龍樓日月照淄館風雲清儲光溫似玉藩度式
如瓊

第五

化洽鯁海君恩變龍庭長西北鶩環表東南盡
龜象

第六

出車長洲苑選旅朝夕川絡絡結雲騎奕奕泛

戈舡

第七

燕駟遊京洛趙服麗有暉清歌留上客妙舞送
將歸

第八

實相薄五禮妙化開六塵明祥已玉燭寶瑞亦
金輪

第九

生茂芊蘿性身與住惠隆飛纓入華殿屣步出
重宮

第十

綵鳳鳴朝陽玄鶴舞清商瑞此來明曲千載今
爲皇

玉階怨

夕殿下珠簾流螢飛復息長夜縫羅衣思君此
何極

金谷聚

渠枕送佳人玉栢要上客車馬一東西別後思
今夕

王孫遊

綠草蔓如絲雜樹紅英發無論君不歸君歸芳
已歇

銅爵悲

落日高城上餘光入總帷寂寂深松晚寧知琴
瑟悲

江上曲

易陽春草出踟躕日已暮蓮葉向田田淇水不
可渡願子淹桂舟時同千里路千里既相託桂
舟復容與江上可採菱清歌共南楚

曲池之水

纓步蓮華渚披襟待蕙風芙蓉舞輕帶包筍出
芳叢浮雲自西北江海思無窮鳥去能傳響見


我綠琴中

綠琴一作測琴

同謝諮議詠銅爵臺

總帷飄井幹罇酒若平生鬱鬱西陵樹詎聞歌
吹聲芳襟染淚迹暉煖空復情玉座猶寂漠况
乃妾身輕

謝宣城詩集卷第二



謝宣城詩集卷第三

將發石頭上烽火樓

徘徊戀京邑躑躅躑曾阿陵高墀闕近眺迥風
雲多荆吳阻山岫江海合瀾波歸飛無羽翼其
如別離何

答王世子

飛雪天山來飄聚繩樞外蒼雲暗九重北風吹
萬籟有酒招親朋思與清顏會熊席惟尔安羔
裘豈吾帶公子不垂堂誰肯憐蕭艾

答張齊興

荆山從百里漢廣流無極北馳星畧正南望朝
雲色川隰同幽快冠冕異今昔子肅兩歧功我
滯三冬職誰知京洛念髣髴昆山側向夕登城
壕潛池隱復直地迥聞遙蟬天長望歸翼清文
忽景麗思泉紛寶飾勿言脩路阻勉子康衢力
曾崖寂且寥歸軫逝言陟

酬王晉安

梢梢枝早勁塗塗露晚晞南中榮橘柚寧知鴻
鴈飛拂霧朝青閣日旰坐彤闈悵望一途阻參
差百慮依春草秋更綠公子未西歸誰能久京

洛緇塵染素衣

暫使下都夜發新林至京邑贈西府
同僚

大江流日夜客心悲未央徒念關山近終知返
路長秋河曙耿耿寒渚夜蒼蒼引領見京室宮
雉正相望金波麗鳩鵲玉繩低建章驅車鼎門
外思見昭丘陽馳暉不可接何況隔兩鄉風煙
有鳥路江漢限無梁常恐鷹隼擊時菊委嚴霜
寄言尉羅者寥廓已高翔

始出尚書省

惟昔逢休明十載朝雲陛既通金閨籍復酌瓊
筵醴宸景厭照臨昏風淪繼體紛虹亂朝日濁
河穢清濟防口猶寬政餐茶更如薺英袞暢人
謀文明固天啓青精翼紫軼黃旗映朱邸還覩
司隸章復見東都禮中區咸已泰輕生諒昭洒
趨事辭宮闕載筆陪旌幣邑里向踈蕪寒流自
清泚衰柳尚沈沈疑露方泥泥零落悲友朋歡
娛宴兄弟既秉丹石心寧流素絲涕因此得蕭
散垂竿深澗底

直中書省

紫殿肅陰陰彤庭赫弘敞風動萬年枝日華承
露掌玲瓏結綺錢深沉映朱網紅藥當階翻蒼
苔依砌上茲言翔鳳池鳴珮多清響信美非吾
室中園思偃仰朋倩以鬱陶春物方駘蕩安得
凌風翰聊恣山泉賞

觀朝雨

朔風吹飛雨蕭條江上來既灑百常觀復集九
成臺空濛如薄霧散漫似輕埃平明振衣坐重
門猶未開耳目暫無擾懷古信悠哉戢翼希驥
首乘流畏曝鳃動息無兼遂歧路多徘徊方同

戰勝者去翦北山萊

新亭渚別范零陵雲

洞庭張樂地瀟湘帝子游雲去蒼梧野水還江
漢流停驂我悵望輟棹子夷猶廣平聽方籍茂
陵將見求心事俱已矣江上徒離憂

之宣城郡出新林浦向板橋

江路西南永歸流東北驚天際識歸舟雲中辨
江樹旅思倦搖搖孤游昔已屢旣懽懷祿情復
協滄洲趣囂塵自茲隔賞心於此遇雖無玄豹
姿終隱南山霧

始之宣城郡

下帷闕章句高談愧名理踈散謝公卿蕭條依
掾史簪髮逢嘉惠教義承君子心迹苦未并憂
歡將十祀幸霑雲雨慶方轡叅多士振鷺徒追
飛群龍難隸齒烹鮮止貪競共治屬廉耻伊余
昧損益何用祗千里解劍北宮朝息駕南川涘
寧希廣平詠聊慕華陰市棄置宛洛遊多謝金
門裏招招漾輕楫行行趨巖趾江海雖未從山
林於此始

宣城郡內登望

借問下車日匪直望舒圓寒城一以眺平楚正
蒼然山積陵陽阻溪流春穀泉威紆距遙甸巖
岬帶遠天切切陰風暮桑柘起寒煙悵望心已
極惆悵魂屢遷結髮倦爲旅平生早事邊誰規
鼎食盛寧要狐白鮮方棄汝南諾言稅遼東田

冬日晚郡事隙

案牘時間暇偶坐觀卉木颼颼滿池荷脩脩蔭
牕竹簷隙自周流房櫳閑且肅蒼翠望寒山崢
嶸瞰平陸已惕慕歸心復傷千里目風霜旦夕
甚蕙草無芬馥云誰美笙簧孰是厭邁軸願言

追逸駕臨潭餌秋菊

後齋迥望

高軒瞰四野臨牖眺襟帶望山白雲裏望水平
原外夏木轉成帷秋荷漸如蓋輦洛常睠然搖
心似懸旆

落日悵望

昧旦多紛喧日晏未遑捨落日餘清陰高枕東
牕下寒槐漸如束秋菊行當把借問此何時涼
風懷朔馬已傷慕歸客復思離居者情嗜幸非
多案牘偏爲寡旣乏琅邪政方憩洛陽社

望三湖

積水照頰霞高臺望歸翼平原周遠近連汀見
紆直葳蕤向春秀芸黃共秋色薄暮傷哉人嬋
媛復何極

遊山

託養因支離乘閑遂疲蹇語默良未尋得喪云
誰辨幸涖山水都復值清冬緬凌崖必千仞尋
谿將萬轉堅嶠旣峻增迴流復宛澶杳杳雲竇
深淵淵石溜淺傍眺鬱纂纂還望森樛榭荒隩
被葳莎崩壁帶苔蘚龜玃叫層岵鷗鳧戲沙行
觸賞聊自觀即趣咸已展經目惜所遇前路欣
方踐無言蕙草歇留垣芳可搴尚子時未歸邴
生思自免求志昔所欽勝迹今能選寄言賞心
客得性良爲善

賽敬亭山廟喜雨

夕帳懷椒糝燭景潔膏薌登秋雖未獻望歲佇
年祥潭淵深可厲狹斜車未方蒙籠度絕限出
沒見林堂秉玉朝群帝樽桂迎東皇排雲接虬
蓋蔽日下霓裳會舞紛瑤席安歌遶鳳梁百味
芬綺帳四座沾羽觴福被延氓澤樂極思故鄉

登山騁歸望原雨晦茫茫胡寧昧千里解佩拂
山莊

祀敬亭山廟

翦削兼太華崢嶸跨玄圃貝闕眊阿宮薛惟陰
網戶參差時未來徘徊望澧浦椒醑若馨香無
絕傳終古

遊敬亭山

茲山亘百里合沓與雲齊隱淪旣已託靈異居
然棲上千蔽白日下屬帶迴溪交藤荒且蔓樛
枝聳復低獨鶴方朝唳饑飈此夜啼泄雲已漫
漫夕雨亦淒淒我行雖紆組兼得尋幽蹊緣源
殊未極歸徑窅如迷要欲追竒趣即此陵丹梯
皇恩竟已矣茲理庶無睽

賦貧民田

假一作佳遇一作譽非將迎靖共一作靜延殊慶中歲

歷三臺旬月典邦政會一作曾是共治一作怡情敢

忘郵貧病將無富教禮孰有知方性躬本抑工

商均業省兼并察壤見泉脉覘星視農正黍稷

綠高殖櫛一作梗徐即卑盛舊埒新塍分青苗白

水映遙樹匝清陰連山周遠淨即此風雲佳孤

鷓鴣聊可命既微三載道庶藉兩歧詠俾爾倉廩
實余從谷口鄭

與江水曹至濱干戲

山中上芳月故人清罇賞遠山翠百重迴流映
千丈花枝聚如雪蕪絲散猶網別後能相思何
嗟異封壤

送江水曹還遠館

高館臨荒途清川帶長陌上有流思人懷舊望
歸客塘邊草雜紅樹際花猶白日暮有重城何
由盡離席

送江兵曹檀主簿朱孝廉還上國

方舟泛春渚携手趨上京安知暮歸客詎億山
中情香風藥上發好鳥葉間鳴揮袂送君已獨
此夜琴聲

臨溪送別

悵望南浦時徙倚北梁步葉下涼風初日隱輕
霞暮荒城迥易陰秋溪廣難渡沫泣豈徒然君
子行多露

將遊湘水尋句溪

既從陵陽釣桂鱗駢赤螭方尋桂水原謁帝蒼

山垂辰哉且未會乘景弄清漪瑟汨瀉長浚潺
湲赴兩歧輕蘋上靡靡雜石下離離寒草分花
映戲鮪乘空移興以暮秋月清霜落素枝魚鳥
余方翫纓綉君自縻及茲暢懷抱山川長若斯
忝役湘州與宣城吏民別

弱齡倦簪履薄晚忝華奧閑沃盡地區山泉諧
所好幸遇昌化穆惇一作俗罕驚暴四時從偃
息三省無侵冒下車遽暄席紆紱始黔竈榮辱
未皇敷德禮何由導汨徂奉南岳兼秩典邦號
疲馬方云驅鉛刀安可操遺惠良寂寞恩靈亦

匪報桂水日悠悠結言幸相勞吐納貽爾和窮
通晶所蹈

休沐重還丹陽道中

薄游第從告思閑願罷歸還却歌賦似休汝車
騎非灞池不可別伊川難重違汀葭稍靡靡江
茨復依依田鵠遠相叫沙鷗忽爭飛雲端楚山
見林表吳岫微試與征徒望鄉淚盡沾衣賴此
盈罇酌含景望芳菲問我勞何事露沐仰清徽
志狹輕軒冕恩甚戀闈闈歲華春有酒初服偃
郊扉

移病還園示親屬

疲策倦人世歛性就幽蓬
停琴佇涼月滅燭聽歸鴻
涼薰乘暮晰秋華臨夜空
葉低知露密崖斷識雲重
折荷葺寒袂開鏡眇衰容
海暮騰清氣河關秘棲冲
烟衡時未歇芝澗去相從

出下館

麥候始清和涼雨銷炎燠
紅蓮搖弱荇丹藤繞新竹
物色盈懷抱方駕娛耳目
零落既難留何用存華屋

游東田

戚戚苦無棕携手共行樂
尋雲陟累榭隨山望菌閣
遠樹曖任任生煙紛漠漠
魚戲新荷動鳥散餘花落
不對芳春酒還望青山郭

秋夜講解

四緣去誰肇七識習未央
沉沉

一作淵淵

倒營魄苦

蔭蹙愁腸琴瑟徒爛熳
姱容空滿堂春顏遽幾日
秋壘終茫茫孰云濟沉溺
假願託津梁惠唱擣泉湧
妙演發金相空有定無執
賓實固兩忘自來乘首夏
及此申暮霜雲物清晨景
衣巾引夕涼風振蕉蓬裂
霜下梧楸傷

一作露下梧桐傷

六龍

且無借三相寧久長何時接靈應及子同舟航

秋夜

秋夜促織鳴南鄰擣衣急思君隔九重夜夜空
佇立北窗輕幔垂西戶月光入何知白露下坐
視階前濕誰能長分居秋盡冬復及

春思

如溪發春水阡山起朝日蘭色望已同萍際轉
如一巢鸞聲上下黃鳥弄儔匹邊郊阻遊行故
人盈契閑夢寐藉假黃思歸賴倚瑟幽念漸鬱
陶山楹永為室

治宅

結宇夕陰街荒途橫九曲迢遰南川陽迤邐西
山足闢館臨秋風敞窓望寒旭風碎池中荷霜
翦江南菼既無東都金且稅東臯粟

冬緒羈懷示蕭諮議虞田曹劉江二
常侍

去國懷丘園入遠滯城闕寒燈耿宵夢清鏡悲
曉髮風草不留霜冰池共如月寂寞此閑帷琴
樽任所對客念坐嬋媛年華稍菴葢夙慕雲澤
遊共奉荆臺續一作一聽春鶯喧再視秋虹沒

疲駮良易返恩一作思波不可越誰慕臨淄鼎常
希茂陵渴依隱幸自從求心果蕪昧方軫歸歎
願故山芝未歇

懷故人

芳洲有杜若可以贈佳期望望忽超遠何由見
所思我行未千里山川已間之離居方歲月故
人不在茲清風動簾夜孤月照窓時安得同携
手酌酒賦新詩

夜聽妓二首

瓊閨釧響聞瑤席芳塵滿要取洛陽人共命江

南管情多舞態遲意傾歌弄緩知君密見親寸
心傳玉椀

上客光四座佳麗直千金挂釵報纓絕墮珥答
琴心娥眉已共笑清香復入衿歡樂夜方靜翠
帳垂沉沉

京路夜發

擾擾整夜裝肅肅戒徂兩曉星正寥落晨光復
泱泱猶露餘露團稍見朝霞上故鄉邈已曼山
川脩且廣文奏方盈前懷人去心賞敕躬每踟
躕瞻恩惟震蕩行矣倦路長無由稅歸鞅

晚登三山還望京邑

灞溪望長安河陽視京縣白日麗飛甍參差皆
可見餘霞散成綺澄江靜如練喧鳥覆春洲雜
英滿芳甸去矣方滯淫懷哉罷歡宴佳期悵何
許淚下如流霰有情知望鄉誰能鬢不變

高齋視事

餘雪映青山寒霧開白日曖曖江村見離離海
樹出披衣就清盥憑軒方秉筆列俎歸單味連
駕止容膝空爲大國憂紛詭諒非一安得掃蓬
徑銷吾愁與疾

郡內高齋閑望答呂法曹

呂僧珍
齊王法曹

結構何迢遞曠望極高深窻中列遠岫庭際俯
喬林日出衆鳥散山暝孤猿吟已有池上酌復
此風中琴非君美無度孰爲勞寸心惠而能好
我問以瑤華音若遺金門步見就此山岑

此一作
玉

謝宣城詩集卷第三

謝宣城詩集卷第四

直石頭

蕭衍

率土皆王土安知全高尚東壘弃黍稷西遊入
卿相屬逢利建始投分叅末將尺一功未施河
山賞已諒攝官因時暇曳裾聊起望鬱盤地勢
遠參差百雉壯翠壁絳霄際丹樓青霞上夕池
出濠渚朝雲生疊嶂籠鳥易為恩屠羊無飾讓
泰階端且平海水本無浪小臣何日歸頓轡從
閑放

和蕭中庶直石頭

謝宣城詩集卷第四

直石頭

蕭衍

率土皆王土安知全高尚東壘弃黍稷西遊入
卿相屬逢利建始投分叅末將尺一功未施河
山賞已諒攝官因時暇曳裾聊起望鬱盤地勢
遠參差百雉壯翠壁絳霄際丹樓青霞上夕池
出濠渚朝雲生疊嶂籠鳥易為恩屠羊無飾讓
泰階端且平海水本無浪小臣何日歸頓轡從
閑放

和蕭中庶直石頭

九河亘積阻三峩鬱旁眺皇州揔地德回江款
巖徼井幹絕蒼林雲薨蔽層嶠川霞旦上薄山
光晚餘照翔集亂歸飛虹蜺紛引曜君子奉神
略瞰迫馮重峭彈冠已籍甚升車益英妙功存
漢策書榮並周庭燎汲疾移偃息董園倚談笑
麾旆一悠悠謙姿光且劭譙嘉多暇日興文起
淵調日余厠鱗羽滅影從漁釣澤渥資投分逢
迎典待詔詠沼邈含毫專城空坐嘯徒慙皇鑒
揆終延曲士誚方追隱淪訣偶解金丹要若偶
巫咸招帝閭良可叫

經劉瓛墓下

隨郡王蕭子隆

升堂子不謬問道余未窮如何辭白日千載隔
音通山門一已絕長夜緬難終初松切暮鳥新
楊摧曉風榛關向蕪密泉途轉銷空

登山望雷居士精舍同沈左衛過劉
先生墓下作并序 竟陵王蕭子良

沛國劉子珪學優來仕跡邇心遐履信體仁古
之遺德潛舟迅景滅賞淪輝言念芳猷式懷嗟
述屬舍弟隨郡有示來篇彌縝久要之情益深
宿草之歎升望西山率尔爲荅雖因事雷生實

申悲劉子云爾

漢陵淹館蕪晉彌洙風缺五都聲論空三河文
義絕興禮邁前英談玄踰往哲明情日夜深微
音歲時滅垣并摠已平煙雲從容裔尔嘆牛山
悲我悼驚川逝

奉和

虞炎

下帷聞昔儒窺園信且逸聚學叢煙郊栖道事
環華戢景謝歸年稅駕空悠日庭露已霑衣松
門向蕭瑟憫憫神念周依依惠言密

奉和

柳惲

西河寂高業北海望清塵曾徽誰與寄尚德在
伊人遺文重昭晰絕緒復紛綸露華白朝日蘭
生無以春芳猷動淵思撫軾履高辰山風起寒
木野雀亂秋榛壘草時易宿素軌邈難遵

奉和

沈約

表閭欽逸軌軾墓禮貞寬化塗終眇默神理曖
猶存塵駕未輟幌高衡已委門日蕪子雲舍徒
望董生園華陰無遺市楚席有靈樽玄泉儻能
慰長夜且勿論

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂
淵道善誘宗學原鳴鍾霽幽抱仁焉徂宛洛清
微夜何早歲晚結松陰平原亂秋草不有至言
楊終滯西山老

離夜

玉繩隱高樹斜漢耿層臺離堂華燭盡別幌清
琴哀翻潮尚知限客思眇難裁山川不可夢况
及一作故人杯

同前

江丞

石泉行可照蘭杜向含風離歌上春日芳思徒

以空情遽曉雲發心在夕河終幽琴一罷調清
醕誰復同

同前

王常侍

月沒高樓曉雲起扶桑時燭筵曖無色行住憫
相悲當軒已凝念况乃清江湄懷人忽千里誰
緩鬢組絲

餞謝文學

沈右率

漢池水如帶巫山雲似蓋潑汨背吳潮潺湲橫
楚潮一望沮漳水寧思江海會以我徑寸心從
君千里外

同前

差池燕始飛，羃歷草初輝。離人悵東顧，遊子去西歸。清潮已駕渚，溽露復沾衣。一乖當春聚，方掩故園扉。

同前

范通直

陽臺霧初解，夢渚冰裁綠。遠山隱不見，平沙斷還續。分絃饒苦音，別唱多悽曲。尔拂後車塵，我事東臯粟。

同前

王中書

所知共歌吹，誰忍別笑歌。離軒思黃鳥，分渚愛青莎。翻情結遠旆，灑淚與煙波。春江夜明月，還望情如何。

同前

蕭記室

執手無還顧，別渚有西東。荆吳渺何際，煙波千里通。春篁方解籜，弱柳向低風。相思將安寄，悵望南飛鴻。向一作尚

同前

劉中書

汀洲千里芳，朝雲萬里色。悠然在天隅，之子去安極。春潭無與窺，秋臺共誰陟。不見一佳人，徒望西飛翼。

和別沈右率諸君

春夜別清樽江潭復爲客歎息東流水如何故
鄉陌重樹日芬蓋芳洲轉如積望望荆臺下歸
夢一作轉望相思夕

卧疾叙意

王秀之

自悔不少期福極固難豫疾藥雖一途遂以千
百慮景仄念徂齡帶緩每危曙循躬雖一作既已
茲况復歲將暮層冰日夜多飛雲密如霧歸鴻
互斷絕宿鳥莫能去輟我丘中瑟良田一嗟故
隱淪迹有違宰官功未樹何用攬余情恨恨此

故路豈言勞者歌且曰幽人賦

和王長史卧病

岷岫款崇崔汎別朝洪河兔園文雅盛章臺冠
蓋多淵襟眷睿岳燮贊動吐歌顧影慙駢服載
筆旅江沱縞衣紛可獻琴言暖一作暖已和青臯
向還色春潤視生波巖垂變好鳥松上改陳蘿
日與歲眇邈歸恨積一作限稍蹉跎願緝吳山社寧
袂楚池荷清風豈孤劭功遂懷曾阿勿藥良有
暢荏苒芳未過幸留清樽味言藉故田莎

行園

沈約

寒瓜方卧壘秋菰亦滿陂紫茄紛爛熳綠芋鬱
參差初菘向堪把時韭日離離高梨有繁實何
減萬年枝荒渠集野鴈安用昆明池

和沈祭酒行園

清淮左長薄荒徑隱高蓬回潮旦夕上寒渠左
右通霜畦紛綺錯秋町鬱蒙茸環梨縣已紫珠
榴拆且紅君有棲心地伊我歡既同何用甘泉
側玉樹望青蔥

北戍琅邪城

江孝嗣

驅馬一連翩日下情不息芳樹似佳人惆悵余

何極薄暮苦羈愁終朝傷旅食丈夫許人世安
得顧心臆按劍勿復言誰能耕與織

和江丞北戍琅邪城

春城麗白日阿閣跨曾樓蒼江忽渺渺驅馬復
悠悠京洛多塵霧淮濟未安流豈不思撫劍惜
哉無輕舟夫君良自勉歲暮勿淹留

昧旦出新亭渚

徐勉

驅車凌早術山華映初日攬轡且徘徊復值清
江謐杳藹楓樹林參差黃鳥匹氣物宛如斯重
以心期逸春堤一遊行終朝意殊悉

和徐都曹出新亭渚

宛洛佳遊遊春色滿皇州結軫青郊路迥瞰滄
江流日華川上動風光草際浮桃李成蹊逕桑
榆蔭道周東都已做載言歸望綠疇

入琵琶峽望積布磯

劉繪

江山信多美此地最爲神以茲峯石麗重在芳
樹春照爛虹蜺雜交錯錦繡陳差池若燕羽前
劣似龍鱗却瞻了非向前觀復已新翠微上虧
景青莎下拂津巉巖如刻削可望不可親昔途
首遐路未獲究清塵誓將返初服歲暮請爲鄰

和

昔余侍君子歷此遊荆漢山川隔舊賞朋僚多
雨散圖南矯風翮曾非息短翰移疾覲新篇披
衣起淵翫惆悵懷昔踐彷彿得殊觀頽紫共彬
駁雲錦相凌亂奔星上未窮驚雷下將半回潮
潰崩樹輪困軋傾岸巖篠或傍翻石筍無脩幹
澄澄明浦湄行行清風爛江潭良在目懷賢興
累嘆歲暮不我期淹留絕巖畔

在郡卧病呈沈尚書

淮陽股肱守高卧猶在茲况復南山曲何異幽

棲時連陰盛農節臺笠聚東菑高閣常晝掩荒
階少諍辭珍簟清夏室輕扇動涼颺嘉魴聊可
薦綠蟻方獨持夏李沉朱實秋藕折輕綵良辰
竟何許夙昔夢佳期坐嘯徒可積爲邦歲已暮
絃歌終莫取撫枕一作今自嗤

荅謝宣城

沈約

王喬飛鳧鳥東方金馬門從宦非官侶避世不
避喧揆余發皇鑒短翮屢飛翻晨趨游建禮晚
沐卧郊園賓至下塵榻憂來命綠樽苛賢侔時
雨今守馥蘭蓀神交疲夢寐路遠隔思存牽拙
謬東泥浮惰反西岷顧循良菲薄何以儷璵璠
將隨渤澥去刷羽況清源

和何議曹郊遊二首

春心澹容與挾弋步中林朝光映紅萼微風吹
好音江垂得清賞山際果幽尋未嘗遠別離知
此愜歸心流泝終靡已嗟行方至今

江臯倦遊客薄暮懷歸者揚舲浮大川惆悵至
日下霏靡青莎被潺湲石溜瀉寄語持笙簧舒
憂願自假歸途豈難涉翻同江上夏

和劉西曹望海臺

滄波不可望望極與天平往往孤山映處處春
雲生差池遠鴈沒颺沓群鳥驚囂塵及簿領棄
捨出重城臨川徒可羨結網庶時營

和王中丞聞琴

涼風吹月露圓景動清陰蕙氣入懷抱聞君此
夜琴蕭瑟滿林聽輕鳴響澗音無爲澹容與蹉
跎江海心

和伏武昌登孫權故城

炎靈遺劍璽當塗駭龍戰聖期缺中壤霸功興
寓縣鵲起登吳山鳳翔陵楚甸衿帶窮巖險帷

帟盡謀選北拒溺駮驥西戡收組練江海旣無
波俯仰流英盼裘冕類裡郊卜揆崇離殿釣臺
臨講閱樊山開廣讌文物共威蕤聲明且葱蒨
三光厭分景書軌欲同薦參差世祀忽寂寞市
朝變舞館識餘基歌梁想遺囀故林衰木平荒
池秋草徧雄圖悵若茲茂宰深遐睠幽客滯江
臯從賞乖纓弁清卮阻獻酬良書限聞見幸藉
芳音多承風采餘絢于役儻有期鄂渚同遊行
夏始和劉孱陵

威仰弛蒼郊龍曜表皇隰春色卷遙甸炎光麗

近邑白蘋望已騁，細荷紛可襲。徒願尺波旋，終
憐寸景戢。對窻斜日過，洞幌鮮飈入。浮雲去欲
窮，暮鳥飛相反。柔翰縝芳塵，清源非易揖。迴江
難絕濟，去誰暢佇立。良宰曷夜漁，出入事朝夕。
績羽余旣裳，更賦子盈粒。椅梧何必零，歸來共
栖集。

和宋記室省中

落日飛鳥還，憂來不可極。行樹澄遠陰，雲霞成
異色。懷歸欲乘電，瞻言思解翼。清揚婉禁居，秘
此文墨職。無嘆阻琴樽，相從伊水側。

和王著作八公山

融

二別阻漢坻，雙嶠望河澳。茲嶺復嶺，岿分區奠。
淮服東限，瑯琊臺西距。孟諸陸仟眠，起雜樹檀。
藥蔭脩竹日，隱澗疑空雲。聚岫如複出，沒眺樓
雉遠近送春目。戎州昔亂華，素景淪伊穀。阡危
賴宗袞，微管寄明牧。長蛇固能翦，奔鯨自此暴。
蒲卜道峻芳塵流，業遙年運儵。平生仰令圖，于
嗟命不淑。浩蕩別親知，連翩戒征軸。再遠館娃
宮，兩去河陽谷。風煙四時犯，霜露一作雨朝夜沐。
春秀良已凋，秋場庶能築。

和王主簿季哲怨情

掖庭聘絕國長門失歡宴相逢詠薜蘿無辭寵悲
團一作班扇花叢亂數蝶風簾入雙鸞徒使春帶
賒坐惜紅顏變生平一顧重宿昔千金賤故人
心尚爾故心人不見一作故人
心不見

贈王主簿二首

日落窻中坐紅粧好顏色舞衣襞未縫流黃覆
不織蜻蛉草際飛游蜂花上食一遇長相思願
寄連翩翼

清吹要碧玉調絃命綠珠輕歌急綺帶含笑解
羅襦餘曲詎幾許高駕且踟躕徘徊韶景暮惟
有洛城隅

同王主簿有所思

佳期期未歸望望下鳴機徘徊東陌上月出行
人稀

落日同儀曹

照

參差複殿影氛氳綺羅雜風入天淵池芰荷搖
復合遠聽雀聲聚回望樹陰杳一賞桂樽前寧
傷蓬鬢風

和紀叅軍服散得益

金液稱九轉西山歌五色鍊質乃排雲濯景終
不測雲英亦可餌且駐羲和力能令長卿卧暫
故遇真識

新治北窻和何從事

國小暇日多民淳紛務屏闢牖期清曠開簾候
風景泱泱日照溪團團雲去嶺岩堯蘭撩峻駢
闡石路整池北樹如浮竹外山猶影自來彌弦
望一作及君臨箕穎清文蔚且詠微言超已領
超一作怡不見城壕側思君朝夕頃迴舟方在辰何
以慰延頸

同羈夜集

積念隔炎涼驥言始今夕已對濁樽酒復此故
鄉客霜月始流砌寒蛸早吟隙幸藉京華遊邊
城讌良席樵採咸共同荆莎聊可藉恐君城闕
人安能久松栢

謝宣城詩集卷第四

謝宣城詩集卷第五

奉和隨王殿下

其一

玄冬寂脩夜天園靜且開亭
皐霜氣愴松宇清風來高琴時
以思幽人多載懷幸藉汾陽想
嶺首正徘徊

其二

高秋夜方靜神居肅且深
閑階塗廣露涼宇澄月陰嬋娟影
池竹踈蕪散風林淵情協爽節詠
言興德音闔道空已積遷直愧蓬心

謝宣城詩集卷第四

謝宣城詩集卷第五

奉和隨王殿下

其一

玄冬寂脩夜天園靜且開亭
皐霜氣愴松宇清風來高琴時
以思幽人多載懷幸藉汾陽想
嶺首正徘徊

其二

高秋夜方靜神居肅且深
閑階塗廣露涼宇澄月陰嬋娟
影池竹踈蕪散風林淵情協爽
節詠言興德音闔道空已積遷
直愧蓬心

其三

愴愴緒風興
祁祁族雲布
嚴氣集高軒
稠陰結寒樹
日月謬論思
朝夕承清豫
徒藉小山文
空揖章臺賦

其四

星回夜未艾
洞房凝遠情
雲陰滿池榭
中月懸高城
喬木含風霧
行鴈飛且鳴
平臺盛文雅
西園富群英
芳慶良永矣
君王嗣德聲
眷此伊洛詠
載懷汾水情
顧已非麗則
恭惠奉仁明
觀淄詠已失
憮然媿簪纓

其五

肅景遊清都
脩簪待蘭室
累榭踈遠風
廣庭麗朝日
穆穆神儀靜
惜惜道言密
一食繫靈表
無吝科年曆

其六

神心遺魏闕
冲想顧汾陽
肅景懷辰豫
捐玦翦山楊
時惟清夏始
雲景曖含芳
月陰洞野色
日華麗池光
草合亭臯遠
霞生川路長
端坐聞鶴引
靜瑟愴復傷
懷哉泉石思
歌詠鬱瓊相
塘春多迭駕言
從伊與商家
職眷英覽獨
善伊何忘

願輟東都遠弘道侍云梁

其七

清房洞已靜閑風伊夜來雲生樹陰遠軒廣月
容開宴私移燭飲遊賞藉琴臺風猷冠淄鄴社
烏愧唐枚

其八

方池含積水明流皎如鏡規荷承日泫影鱗與
風泳上善叶淵心止川測動性幸是芳春來側
點游濠盛

其九

浮雲西北起飛來下高堂合散輕惟表飄舞桂
臺陽遙階收委羽平池如夜光眷言金玉照顧
慙蘭蕙芳

其十

睿心重離拆岐路清江隈四面寒飈舉千里白
雲來川長別管思地迫翻旗回還顧昭陽闕超
遠章華臺置酒巫山日爲君停玉栝

十一

桂樓飛絕限超遠向江岐輕雲霽廣甸微風散
清漪連連絕鴈舉眇眇青煙移嚴城亂芸草霜

塘彫素枝氣爽深遙矚豫永聊停曦印一作巳
終可悅盈思且若斯

十二

炎光缺風雅宗霸拯時淪龍德待雲霧令圖方
再晨歲遠荒城思霜華宿草陳英威遽如是徘徊
歧路人

十三

念深沖照廣業闡清化玄端儀穆金殿教藻
瓊筵船湛輕帷藹磬轉芳風旋卷轡栖道樹方
津棹法舫歸興憑大造昭塗良易筌

十四

分悲玉瑟斷別緒金樽傾風入芳帷散釭華蘭
殿明想折中園草共知千里情行雲故鄉色贈
子一離聲

十五

年華豫已滌夜艾賞方融新萍時合水弱草未
勝風閨幽瑟易響臺迥月難中春物廣餘照蘭
萱佩未窮

十六

漣漪映餘雪巖城限深霧清寒起洞門東風急

池樹神居望已肅徘徊舉冲趣栖歸如歸詠丘
山不可屢

詠風

徘徊發紅萼葳蕤動綠苑垂楊低復舉新萍合
且離步檐行袖靡當戶思衿披高響飄歌吹相
思子未知時拂孤鸞鏡星鬢視參差

詠竹

前窻一叢竹青翠獨言竒南條交北葉新筍雜
故枝月光踈已密風來起復垂青扈飛不礙黃
口得相窺但恨從風籜根株長別離

詠薔薇

低枝詎勝葉輕香幸自通發萼初攢紫餘采尚
霏紅新花對白日故藥逐行風參差不俱曜誰
肯盼微蕞

詠蒲

離離水上蒲結水散爲珠間厠秋菡萏出入春
鳧雛初萌實雕俎暮藥雜椒塗所悲堂上曲遂
鑠黃金軀

詠兔絲

輕絲旣難理細縷竟無織爛熳已萬條連綿復

一色安根不可知，縈心終不測。所貴能卷舒，伊用蓬生直。

詠落梅

新葉初冉冉，初葉新霏霏。逢君後園讌，相隨巧笑歸。親勞君王指，摘以贈南威。用持插雲鬢，翡翠比光輝。日暮長零落，君恩不可追。

遊東堂詠桐

孤桐北窻外，高枝百尺餘。葉生旣婀娜，葉落更扶踈。無華復無實，何以贈離居。裁爲圭與瑞，足可命參墟。

詠牆北梔子

有美當階樹，霜露未能移。金蕢發朱采，映日以離離。幸賴夕陽下，餘景及西枝。還思照淥水，君階無曲池。餘榮未能已，晚實猶見奇。復留傾倅德，君恩信未貲。

同詠樂器

琵琶

王融

抱月如可明，懷風殊復清。絲中傳意緒，花裏寄春情。掩抑有奇態，淒鏘多好聲。芳袖幸時拂，龍門空自生。

篪

沈約

江南簫管地妙響發孫枝殷懃寄玉指含情舉
復垂雕梁再三繞輕塵四五移曲中有深意丹
誠君詎知

琴

洞庭風雨榦龍門生死枝雕刻紛布濩沖響鬱

清危

一作危

春風搖蕙草秋月滿華池是時操別

鶴遙遙客淚垂

蕙草一作綺草

同詠坐上器玩

竹櫝榔盤

沈約

梢風有勁質柔用道非一平織方以文穹成圓
且密薦羞雖百品所貴浮天寶幸承歡醕餘寧
辭嘉宴畢

烏皮隱几

蟠木生附枝刻削豈無施取則龍文鼎三趾獻
光儀勿言素韋潔白沙尚推移曲躬奉微用聊
承終宴疲

同詠坐上所見一物

幔

王融

幸得與珠綴幕歷君之楹月映不辭卷風來輒

自輕每聚金鑪氣時駐玉琴聲但願置樽酒蘭
缸當夜明

簾

虞炎

青軒明月時紫殿秋風日曛曛引光輝
映容質清露依檐垂蛸絲當戶密
塞開誰共臨掩晦獨如失

席

柳惲

照日汀洲際搖風綠潭側雖無獨蠶絲
幸有青袍色羅袖少輕塵象床多麗飾
願君蘭夜飲佳人時宴息

同前

本生朝夕池落景照參差汀洲蔽杜若
幽渚奪江籬遇君時採擷玉座奉金卮
但願羅衣拂無使素塵彌

詠竹火籠

沈約

結根終南下防露復披雲雖爲九華扇
聊可滌炎氛安能偶狐白鶴卵織成文
覆持鴛鴦被百和吐氛氲忽爲織手用
歲暮待羅裙

同前

庭雪亂如花井水粲成玉因炎入貂袖
懷溫奉

芳褥體密用宜通文邪性非曲本自江南墟媿
娟脩且綠暫承君玉指請謝陽春旭

詠鏡臺

玲瓏類丹檻岵亭似玄闕對鳳懸清冰垂龍掛
明月照粉拂紅粧插花理雲髮玉顏徒自見常
畏君情歇

詠燈

發翠斜溪裏蓄寶宕山峯抽莖類仙掌銜光似
燭龍飛蛾再三繞輕花四五重孤對樹一作相思
夕空照舞衣縫

詠燭

杏梁賓未散桂宮明欲沈暖色輕帷裏低光照
寶一作琴徘徊雲髻影灼爍綺䟽金恨君秋月
夜遺我洞房陰

詠邯鄲故才人嫁爲廝養卒婦

生平宮閣裏出入侍丹墀開笥方羅縠窺鏡比
蛾眉初別意未解去久日生悲顛悴不自識嬌
羞餘故姿夢中忽彷彿猶言承讌私

詠溪鵝

蕙草含初芳瑤池暖晚色得廁鴻鸞影晞光弄

羽翼

聯句

阻雪

積雪皓陰池北風鳴細枝九達密如繡何為遠
 別離眺風庭舞流霰冰沼結文澌飲春離以燠
 欽賢紛若馳江秀珠寔條間響玉雷檐下垂栝
 酒不相接寸心良共知王丞飛雲亂無緒結冰
 明曲池雖乖促席讌白首信勿虧王蘭陵飄素
 瑩檐溜嚴結噎通歧樽壘如未澣况乃限音儀
謝洗原隰望徙倚松筠竟不移隱憂惡萱樹忘
馬吳

懷待山巵

謝郎中

初昕逸翮舉日具駕馬疲幽山

有桂樹歲暮方參差

沈右率約

還塗臨渚

淥水纈清波青山繡芳質落景皎晚陰殘花綺
 餘日何從事白沙澹無際青山眇如一傷此物運
 移惆悵望還律吳郎白水田外明孤頂松上出即
 趣佳可淹淹留非下秩府君

紀功曹中園

蘭庭迎遠風芳林接雲萼傾葉順清飈脩莖佇
 高鶴何從事連綿夕雲歸曖曖日將落寸陰不可

留蘭墀豈停酌郎吳丹櫻猶照樹綠筠方解箨求
志能兩忘即賞謝丘壑君府

閑坐

雨洗花葉鮮泉漫芳塘溢藉此閑賦詩聊用蕩
羈疾郎陳霖霖微雨散萎蕤蕙草密預藉芳筵賞
沾生信昭悉紀功曹紫葵窗外舒青荷池上出既
闔潁川扇且卧淮南秩君府流風薄晚陰行雲掩
朝日念此蘭蕙客徒有芳菲質何從事

侍筵西堂落日望鄉

沉病已綿緒一作綿負官別鄉憂高城悽夕吹時

見國煙浮曹丞漠漠輕雲晚颯颯高樹秋鄉山不

可望蘭卮且獻酬君府旻高識氣迫泉停知潦收

幸預慶延渥方且一作將沐恩猷功曹紀晏芸黃先露

早騷瑟一作屑驚暮秋舊城望已肅况乃客悠悠

何從事

祀敬亭山春雨

水府衆靈出石室寶圖開白雲帝鄉下行雨巫

山來君府歌風讚靈德舞蹈起輕埃高軒乍留吹

玄羽或徘徊何從事福降群仙下識逸百神該青

鳥飛層隙赤鯉泳瀾隈齊舉郎

往敬亭路中

山中芳杜綠江南蓮葉紫芳年不共遊淹留空

若是

君府

淶水豐漣漪青山多繡綺新條日向抽

落花紛已委

何從事

弱蔓旣青翠輕莎方霍靡鷺

鴉沒而遊麇麇騰復倚

齊舉

春岸望沉沉清流

見瀾瀾幸藉人外遊盤桓未能徙

陳

騫柁把瓊

芳隨山訪靈詭榮楯每嶙峋林堂多碣礪

君府

謝宣城詩集卷第五

南齊吏部郎謝朓長五言詩其在宣城所賦藻績尤精故李太白詠澄江之句而思其人杜少陵亦曰詩接謝宣城也余至郡視事之暇哀取郡舍石刻并宣城集所載謝詩纔得二十餘首繼得蔣公之竒所集小謝詩以昭亭廟疊嶂樓綺霞閣所刻及文選玉臺新詠本集所有合成一編共五十八篇自謂備矣然

小謝自有全集十卷但世所罕傳如宋海陵王墓誌集中有之而筆談乃曰此銘集中不載蓋雖存中之博亦未之見也而余家舊藏偶有之考其上五卷賦與樂章之外詩乃百有二首而唱和聯句他人所附見者不與焉以是知蔣公所謂本集者非全集矣於是屬之僚士叅校謬誤雖是正已多而有無他本可

證者故猶有闕文鈔版傳之目曰謝宣城詩集其下五卷則皆當時應用之文衰世之事其可采者已載於本傳文選餘視詩劣焉無傳可也遂置之紹興丁丑秋七月朔東陽樓炤題

謝公詩名重天下在宣城所賦
爲多故杜少陵以謝宣城稱之
在宣城宜有公之集矣後公六
百五十餘年樞密樓公始克鋟
之木距今又六十四年字畫漫
毀幾不可讀是用再刻于郡齋
以永其傳嘉定庚辰冬十二月
望鄱陽洪伋識



謝宣城詩集宋刊殘存卷一卷二葉十行每行十字白口左右
雙闌版心上記字數下記刊工姓名上魚尾下記謝集二前有目
錄缺第三葉第二行低三格題齊尚書吏部郎陳郡謝眺元暉
謝下空格卷一賦九首樂府詩八首四言詩二十一首卷二數以曲四三
首卷三詩四十三首卷四詩四十六首卷五詩四十四首卷六詩四首
行題謝宣城詩集卷第一行低三格題賦二字三行低四格題酬
德賦宋諱云弘匡自撰敷廊嘯皆缺末筆刊工有侯琦潘德璋
潘暉諸人名收藏有陳彥良印白文印字體方整而氣息渾厚與浙杭
本迥別知爲宣州郡齋所刊此雖佚去下冊後跋不可得見其定諱至

鄭字證之則高嘉定三年洪俊翻雕樓始存無疑也似跋言樓公
段本距今六百年字畫漫滅幾不可讀用再刻於郡橋云

案宣戒集據書錄解題云集本十卷樓始知宣州只以上五卷賦與
詩刊之下三卷皆當時應用之文哀世之事可采者已見本傳及文選
餘視詩為馬傳馬可也遂買之其言皆本始序然自是元暉之
集祇以五卷傳矣天祿琳琅載有宋刊本即嘉定洪俊所刻全領秘
閣時檢略仁殿冊籍已與此書蓋不知流落何許生年所知見者有汲
古閣影宋本明人依宋鈔本何義門校宋本正德劉紹本嘉靖珠
海應請本萬曆史之熙本汪士賢本天啟張燮本康熙郭威劉本

大抵宋本而下皆為五卷至張燮增補為六卷而郭威劉能之自謂有
搜采遺佚之功而不知已蹈樓改古本之失嘉慶初元吳騫拜經樓依
宋本重刊舉世咸推為精善第余今日取宋本參證之則可議者亦
正多茲將各本臚舉於後略考其源流得失之故可一展卷而瞭如指
掌後有研誦小謝之詩者庶得所取資乎

內府宋刊本

天祿琳琅卷三載之舊本為李德裕所藏見於定本書目有樓始
序序後有洪俊跋未詳著行款若何第以影古閣影本推之知其
決高十行大字與此殘冊正同

汲古影宋本

今藏德化李椒徵師家癸丑正月曾得假閱就校於拜經樓本十
行之字目錄序跋皆完具格式與宋刊無異紙墨精雅神采煥發所
謂修下真蹟一等者也余以宋本對勘則訛舛時復錯出就卷首言
之如酬德賦中曾落然以悽惻誤作棲惻實與齊之六誤作與齊齊
天地於隆忽誤作條忽高松賦中既茅眠於廣濕誤作茅眠三日詩曲
水詩實符時作寶符此咸顯也可見者或原本漫漶不可辨析而鈔
胥又未經詳審致有此失也

明影宋本

今藏上海函芬樓舊為毛子晉李漁葦徐健庵通藏曾影印
入函芬叢刊行世取宋本一核其次第皆循舊式而行款已改為十行二
十字目錄及行刪去元暉結銜一行而零茶齋前加樂府標題一行零
茶齋上文加齊字聖廟中文字差失殊多加酬德賦脊字以國士誤作
國子相群方之勳相方誤作考援雅苑以自縊誤作緩君紆組於石
邦紆誤作紆奉京於而作傳於誤作松意搔之以行袖袖誤作袖齊
帷膏之多遺齊誤作名考毛秀兩家皆藏有宋本而此影鈔乃率
畧如此是不可解也至永明樂第四七八首咸有空格意原本刻蝕不
能臆補以存其真耳

何義門校宋本

此為乾隆丙辰半查氏去其姓錄義門手校宋本為感意園舊藏余於殿肆得觀臨於吳本上其所舉宋本作某者與今宋本多不相應如卷三潞水曲桂棹及晚風何校宋作晚春今宋本乃作春風也永明樂第九首生茂茅羅性何校宋作子羅今宋本仍是茅字宜所見非一刻或後未補版耶

武功本

正德辛未劉紹刊於武功縣唐海為三序原本世多見余生平亦未之觀據黎晨跋言用武功本新之則其行款當與黎本同

再國本

嘉靖丁酉任丘黎晨刊十行三十字卷一自有直隸寧國府知府黎晨校刊行後有晨跋言取武功本新之而宣庫所呈鈔本校為次第大段與宋本不異惟目錄前五帝等詞宋本標於歌曲後今改在前字皆刊去雲祭語如迎神送神曲五帝等詞宋本標於歌曲後今改在前其最高紙縷者如卷三同譜公賦吹鼓曲名刪去先後為次四序字及同前再賦四字於是次第紊雜空融巫山高一首謬屬之范雲矣卷五三同詠樂器三首同詠坐三器玩三首同詠坐上所見物亦改易次序刪去名於是王融沈約虞炎柳惲諸人之詩皆誤為元暉之作後

之聞者益難以釐正矣溯其原始皆由武功所作之備錄氏因襲而莫能糾之至葛洪文字綴失亦多自黎而始如酬德賦首由云悲夫四游之代序六龍駕而不息黎本悲夫作嗟夫游上衍一時字驚誤作驚嗣是諸本皆從之而沿訛踵繆不可爬梳不可知所云依鈔本校正者果何而耶

六朝詩集本

嘉靖癸卯薛應旂刊六朝詩集于三家宣城集似為五卷前與序目十行六字與宋本合次第相同此卷三同諸公賦鼓吹曲卷五之詠樂器玩物其圖亂與黎本同其酬德賦首高謔四字亦同

疑即歐黎刻為藍本耳

宣城本

萬曆己卯史元選刻梅鼎祚校八行十字版心有覽翠亭三字據史序云黎居版署置即齋就武功本也後四餘年久浸漶不可讀乃序奉刻之甲申梅禹金有事校讎得壞序字佚者數篇則後首載史乘為今考集前有南齊書南史列傳郡志列傳樓始序皆梅氏所增輯也余所藏為殘本僅存前三卷此其篇第已大有更易矣一正載賦九首其寒祭詞侍宴四言詩皆析出歸入卷二雜置之清玉鼓以雜曲中輕改舊文殊為繆妄蓋數百年相傳之次序其難

析茶雜實由茲始所謂傳播之功不敵其擅改之過也

漢魏三大家集本

萬曆汪士賢刻九行十字次第六章與錄本同其卷二卷五詩題人名差誤亦同而從奉刻出卷第五末又增進詩及文三首耳此考其所補進詩四首如范雲之離夜詩已見卷四王融之琵琶沈約之虎二詩已見卷五前後祇數番乃森出復出竟熟視而無睹抑又何說耶

七十二家集本

天啟末張燮刻於閩漳九行十字增訂為六卷凡賦一卷詩四

卷文一卷此本不獨增又九首更增詩三前後次第悉予變更無如妄作莫甚於此

清宣城本

康熙丁亥郭成釗刻於宣城梅庚校訂其析卷三之宰祭詞四言詩入卷二實仍其家萬金之舊進補進詩三首其范雲一首已見卷四補又六首為卷第六則取諸張燮本也

總以上各本觀之自明以來凡七刻其始也祇文字之沿誤而已久之而標題列奪矣久之而次序雜亂矣浸假而移易卷第錯亂為以至不可勝糾矣夫辰轉傳寫久遠生真者其契小其妄逞胸臆改併增損皆

此以訂輯自任者其弊大矣免氏深悼劉松諸本之失一旦訪得
宋本而盡正之其致力至勤而為切至偉顧余哀此殘帙由比而字勘
之闕惜其雖校未精殊不足以固已言而饜人望也茲就首卷舉之
目錄前刪去毗官銜一行而於書於詞前增舉詞標題一行又題下幾
首字亦悉手刊落卷二首不著賦字標題一行此皆沿鈔本之失宋本
固不如是也至字句之誤失如酬德賦得其盡俾物之旨脫其字則
語言於川潛川誤洲思歸賦曉重芒而引頌芒誤罔七夕賦綿舍
睇而城揚城誤城高松賦逸通勝於千祀記誤誤黑帝歌曾冰測
續明曲測誤裂侍宴先華殿詩管絳衣區絳誤降侍宴曲水

詩誰器元功器誤契其他類此正多未易枚舉余維免氏以校勘
名家豈宜疏失至此及詳玩其跋語則彼第取盧紹弓傳校之本
以擬木實未嘗親見宋刻也紹弓校書專重本文以宋書細字注於
行間而其餘版式行格例不詳記余家所儲抱經樓手勘群籍大
率加此今免氏未睹原書第就傳本移寫又拘於叢書之版式
而為之故行款既非古式又刺取考訂異文綴於本句下當其文字
似出抱經隨手劄記以云翻宋實為非作其他提行空格標題
夾注一切皆失舊觀書經三寫為烏帝虎自所難免况又移攷
格式以滋其誤耶抑余更有疑者免氏跋稱堯圖藏有宣城集

兩宋本攷三百宋一屢賦求古居文本書目士禮后題跋咸未登
錄六朝古集絕少宋刊得一已難何況兼致設果有之則當摩
挲賞玩偏語知友何至寂寂無聞不傳一字耶吾意潤翁所
言苑圃所寄或為影寫及傳校之屬不應於三謝之外更有宣城
耳

此本三卷為同年世好劉君翰臣所藏言其尊人華卿先生官
京嘗時所得全幸西游淮南時曾得賞翫頃翰臣文重游並
都携此快見示屬心覓良工假椒微師藏毛鈔本影寫後三卷
俾完成卷璧因留置楸頭前日偶取郭氏本細校一遍卷一賦首

訂正十字重校譌訂正四十字四言詩訂正四十字卷三五言詩訂正一
百八十五字通計訂正凡三百三十三字若天壤尚存完帙則單詞勝義
耐人尋繹者當復不少姑懸此奢願或庶幾一遇乎余生乎於小
謝似有夙緣壬子四月始臨何義門校宋本癸丑二月復校汲古閣
影宋本嗣睹仙芬樓明寫本更詳其二過今又幸得親見宋本
自謂致功甚密搜訪之勤視兔床未遑多讓而篋中所儲自琴晨
以下者本咸具今情古思左右紛披儘得屏去俗黨事理諸編廓
盡榛蕪垂為定本更取宋版殘卷毛鈔秘笈合寫付雕重新嘉
定三規摹庶幾拜經之遺憾世有劉孝綽梁武帝其人者或將

引為同好樂觀厥成也數辛未四月十日藏園居士記

辛未初夏傅沅叔老人既為此跋越六年暇借李木齋本手
文藏毛鈔謝集影寫後三卷為全璧迨書鈔跋而外
患起顛沛流離并傳氏原書題跋并沒失去茲據藏
園羣書題記第三集錄跋如上并識其緣起於此
丙戌冬日劉文興奉家君命謹識



黑帝歌

六言
三章

送神歌

三言
五章

四言詩三首

侍宴華光殿曲水奉敕為皇太子作

九章

三日侍華光殿曲水宴代人應詔

十章

三日侍宴曲水代人應詔

九章

卷第二

樂府四十三首

元會曲

郊祀曲

鈞天曲

入朝曲

出藩曲

校獵曲

從戎曲

送遠曲

登山曲

泛水曲

同賦鼓吹曲名以先成爲次五首
同前再賦六首

此據出初

黑帝 三章

此歌一首少歌字及六言三字

送神 五章

此歌一首少歌字及三言二字

四言詩 二十八首

此三首四字每首五言

侍宴華光殿曲水奉敕爲皇太子作 九首

三日宴華光殿曲水宴代人應詔 十首

三日侍宴曲水代人應詔 九首

卷第二

鼓吹曲四十三首 同賦諸作附

元會曲

郊祀曲

此三首三字
每首四字
每首列

釣天曲

入朝曲

出藩曲

授備曲

從戎曲

送遠曲

登舟曲

泛水曲

同賦

同再前賦

同再前賦云首

此詩在卷末亦有